


Դատավորները լավ չեն տիրապետում ոչ միայն օրենքներին, այլ նաև մաթեմատիկային

15.10.2012 00:00



ՀՀ ԱՆ “Նուբարաշեն” ՔԿՀ-ի դատապարտյալ Հ.Կարապետյանը ազատագրկման ձևով պատիժը պետք է կրի նախատեսվածից 2 տարի 5 ամիս ավել, քանի որ ՀՀ վերաքննիչ քրեական դատարանի դատավոր՝ Մ.Պետրոսյանը սխալ է գումարել մի քանի դատավճիռներով նշանակված ազատագրկման տարիները, իսկ ՀՀ վճռաբեկ դատարանն էլ անտեսելով այդ փաստը, վերադարձրել է այդ հիմքով բերված վճռաբեկ բողոքը:

Հակոբ Կարապետյանը **17.12.2008 թ-ին** ՀՀ Լոռու մարզի ընդհանուր իրավասության դատարանի կայացրած դատավճռով, դատապարտվել էր ազատագրկման **5 /հինգ/ տարի ժամանակով**, ազատագրկման ձևով պատիժը կրել է ՀՀ ԱՆ “Նուբարաշեն” քրեակատարողական հիմնարկում, որտեղ 2010 թվականին՝ պատիժը կրելու ընթացքում, ՀՀ քրեական օրենսգրքի 268-րդ հոդվածով ևս երեք անգամ դատապարտվել է ազատագրկման, իր օգտագործման համար ցանականալով է ձեռք բերել թմրանյութ, իր խցակիցների մոտ այցելուների միջոցով խնդրել է իրեն ուղարկված հանձնույթները փոխանցել, որում հետագայում հայտնաբերվել են թմրանյութերը: Այդ դատավճիռներով նշանակված ազատագրկման տարիներին գումարվել է **17.12.2008 թ-ին** Լոռու մարզի առաջին ատյանի դատարանի դատավճռով նշանակված պատժից 4 /չորս/ տարի 6 /վեց/ ամիսը և նշանակվել ազատագրկում՝ 7 /յոթ/ տարի 2 /երկու/ ամիս:

Հետագայում ՀՀ ԱԺ կողմից 23.05.2011 թ. ընդունված “ՀՀ քրեական օրենսգրքում փոփոխություններ կատարելու մասին” ՀՀ օրենքին համապատասխան վերաորակելով Հ.Կարապետյանի արարքը՝ ՀՀ Լոռու մարզի ընդհանուր իրավասության դատարանը 20.07.2011 թ-ի դրությամբ նշանակված պատիժը համարվել է կրած և վերջինիս անհապաղ ազատել է պատժի կրումից:

Սակայն էրեբունի և Նուբարաշեն վարչական շրջանների ընդհանուր իրավասության դատարանը, ՀՀ վերաքննիչ քրեական դատարանը և ՀՀ վճռաբեկ դատարանը կամ միտումնավոր կամ անփութության հետևանքով դատավճիռները վերանայելուց անտեսել են այն, որ Հ.Կարապետյանի ազատագրկման տարիներից անհրաժեշտ է հանել ՀՀ Լոռու մարզի ընդհանուր իրավասության դատարանի դատավճռով նշանակված ազատագրկման տարիները, որի արդյունքում երկու տարի հինգ ամիս ավել են հաշվարկել և Հ.Կարապետյանին վերջնական

պատիժ են նշանակել ազատազրկում 7 տարի 2
ամիս ` 4 տարի 9 ամսվա փոխարեն:

Փաստաբան

Գայանե Ալեքսանդրի Խաչատրյան

```
Վերադառնալ $(window).load(function(){ if(typeof $(".fb_comments_count").html() != "undefined" &&  
parseInt($(".fb_comments_count").html()) != 0){ updateCommentsCount(window.location.href); } })
```